

太和隱士張三丰詔徵不至真潛龍老而得道立之宗長生久
視若喬松自古神仙吾靡從惟君能繼扶搖蹤不見高人世外
容令渠心性若塵封匡廬之山雲濛濛煙霞終日盪心胸先生
其來教我儂願隨鐵杖入瑤峯噫嘻乎所思不見弱水蓬山路
萬重

蜀定于友垓

王乃獻王椿孫悼莊世子好學循理工詩賦善草書著
有定園集十卷

題玄天觀憶丰仙

福地喜重來登臨亦快哉蓬壺連海島雲洞隔塵埃羽客乘鸞
去仙人駕鳳回談玄閑坐久欲去且徘徊

蜀惠王申鑒

王乃獻王椿曾孫著有惠園集

題三丰仙像贊

若有人兮出世匪常曩自中土移居湖方奇骨森立美髯戟張
距重陽兮未遠步虛靖之遺芳飄飄乎神仙之氣皎皎乎冰雪
之腸爰尋師而問道歲月亦云其遑遑既受訣於散聖復續派
於瓜王全一真之妙理契未判之純陽南遊閩楚東略扶桑歷
諸天之同府參化人而與翔曰儒曰釋曰老曰莊皆潛通其奧
旨乃懷玉而中藏長緜短褐至於吾邦吾不知其甲子之幾何

道藏輯要

三丰全集

贈石聞談

齋

續畢集十

但見其毛髮之蒼蒼蓋久從赤松之徒而類夫圯上之子房

胡澗

澗字源深武進人建文二年歷官禮部尚書諡忠安

祥符寺訪張三丰先生不遇

交情久已念離羣獨向山中禮白雲龍送雨來留客住鹿啣花
至與僧分疎星出竹昏時見流水鳴渠靜夜聞卻憶故人從此
隱題詩誰似鮑參軍

沈元秀

元秀一名秀字萬三號三山明初南中人事跡詳見本

集中

道藏輯要

三丰全集

贈石開談

奎

續畢集十

又按淵鑑類函富部沈公亦名富字仲深行三故吳人
呼萬三為江南第一家有二子茂旺太祖定鼎金陵召
廷見令熾獻白金千錠黃金百斤甲馬錢穀多取資於
茂茂後得罪發遼陽徙戎又穴地得金牛馬亦累于云

煉丹爐三丰師

祖師傳我術無窮鑄鼎燒丹寶燄紅八百火牛耕夜月三千美
女笑春風葦芽煖燦初盈金白雪紛紛更滿空頂上神符未許
食還須九轉畢玄功

又

深謝吾師愛萬三西南相約待何年黃金重濁聊施濟白玉輕
清乃妙玄百尺竿頭須進步千秋題目是修仙地元祕法難窮
盡還覓神丹候祖傳